

中國地方志集成

浙江府縣志輯⑤⑨

康熙江山縣志

同治江山縣志

康熙永嘉縣志

江蘇古籍出版社 ● 上海書店 ● 巴蜀書社

中國地方志集成
浙江府縣志輯⑤⑨

出版 上海書店

(上海福州路四〇一號)

印刷 上海市印刷七廠

發行 新華書店

上海發行所

定價 一二三八元

責任編輯

盧建幸
王海浩

封面設計 范一辛

1993年6月第1版 1993年6月第1次印刷
ISBN7-80569-870-8/K·165
沪新登字119号

江川縣志序

粵稽周禮小史掌邦國之志外史掌四方之志郡縣之各有志實自茲始顧志以輔史之所不逮史有褒有貶例用畧志有善無惡例用詳然非可以濫為詳

張序一

也夫以郡視省志殺其十之七以邑視郡志殺其十之三則是邑之為志不特宜於旁撫而亦易于侈張今觀江邑之志抑何其簡而核詳而有體哉為卷僅有十而星彙建置國計民生人

材學校之事具備焉原其所始

寔創於前明正德庚辰邑令吳

君亞夫嗣是為嘉靖甲辰知縣

金谿黃君綸繼修之延天啓癸

亥已滅沒僅有存者得石南張

公鳳翼來主縣事與邑紳徐君

張序二

日葵更加補輯志復成距今八

十餘年矣滄桑兵燹保無殘闕

失次且時隔兩朝歲踰二世天

道人事歷有更興雖皇軒輶使

往來茲土者例有申送而書缺

有間急則令吏胥繕成之故皆

出舊本無可觀者矧江為閩浙
門戶提封關隘屹重金湯邇承
平日久人文崛秀戶賦漸增往
在五縣為下邑今

天子允外臣請入學之額與中縣
等蓋駸乎為大都矣宜邑令

張序三

朱君瞿然以修志為急也朱君
精敏慈惠勤慎有方即修志一
役不踰二月而蒐討詳密不漏
不支余觀厥成書如縣治儒學
各繪新舊二圖列於首簡欲使
廢者有所考而記者可復興也

如江即西山左坑須泉諸名勝
綴之以景更繫以詩則人傑地
靈有罷車馬圖之意焉他如荒
墾之科條悉核倉庾之修葺可
稽則又應慎有經預備罔缺焉
以至橋梁堰渡增築有時人物

張序四

登載嚴慎無濫凡有關於治道
人心者一展卷間罔不炯如列
眉瞭如指掌所以範後之吏斯
土而生是邦者於興起觀感寧
有既乎夫朱君賢吏也又有史
才循良之傳行將待司馬子長

而筆之書其事何必即其人哉
故曰其請而樂為之序

龍飛大清康熙辛巳新秋之吉知

衢州府事渤海張濬宗亮父撰



張序五

江山縣志序

康熙三十六年秋余甫令焉
上華邑中諸父老而廣博
訪焉咸告余曰江邑古稱壤
也民殷富人肩摩廬舍鱗次
商賈輻輳自小醜蠢動實偏

朱序一

處此以蹂躪我疆圉而內之
患二壞者倏一變為荒寒
浙澁之區矣幸
王師厲境群兇授首吾儕小人
從此獲安而仕焉迄乎今茲
始稍上安集而曰茲曩時之

咸忽々若昨日事吾儕因親
見之而猶能歷上言之余聞
而愀焉因撫膺歎曰民生未
遂民俗未淳長吏之憂也延
而自念謂今一邑者當知一
邑之事九疆域之縱橫山川

朱序二

之高下原隰之肥磽以訖土
俗民風建置沿革皆宜洞悉
於胸中若燭照數計然後措
之政治所在咸宜而脩其事
者莫若邑志因於簿書之暇
取江邑之志而親覽焉僅得

殘編斷簡歲久侵蝕漸次漸
滅心竊憾之第以政教未孚
不可以語文事以故脩輯之
任有志未逮今與湏之人士
休息者又數年矣伏惟我
呈上至德洋溢大化翔洽窮陬遐

朱序三

谷罔不沾濡已卯之春恭逢
翠華臨幸蠲租肆赦而又加意
江濶頻
敕討疆大吏多方撫綏一時大
小臣工各息請共厥職仰答
休命四海清晏萬物熙皞父老

子弟不見兵革已數十年是
天下之太平久矣會哉
國家治定功成纂修一統志由
是郡縣有志次第告成而江
邑紀載掇爾缺如非所以傳
盛事而廣彙烈也余爰是躍

朱序四

然起曰是余之責也夫是余
之責也夫是借兩博士及鄉
衮庠彥諸君子取舊志考訂
之上而天文下而地輿賦役
食貨典禮災祥之類無鉅無
鉅詳陳脩載至若人文吏治

忠孝節烈其足儀型彛模興
起後人者爲之流連而三復
焉雖然余竊有感矣夫志猶
史也作史不易修史更難江
邑之有志自勝國以及
興朝改而改度上下數十餘年

朱序五

廢然莫舉其間名賢義士潛
德幽光世不及知不及傳
者指不勝屈其章傳者或以
鄉評推重或以遺愛流芳固
公論之在人心彝好之不容
泯者而恐令其湮沒無聞乎

古人云善欲長余今日者
亦惟使三代之直道於茲不
僅信者微之疑者存之一
準諸舊志而不敢以臆見為
進退焉豈敢云志也即史乎
哉聊令一邑之軼事文獻常

朱序六

存庶後世得以考耳且欲使
觀斯志者感今昔之殊識威
象之自為吏者從此益念民
生之艱難為士者從此益勵
品行之端方為民者從此益
敦風俗之淳厚以佐雅化

樂昇平異日輶軒入境博採
風謠獻諸

天府或得附於一統志之末以
傳不朽余願與須人士共勉
之矢謹序

告

朱序七

龍飛康熙歲次辛巳仲秋月工
浣之言文林郎知江山縣事
新安朱彩撰



縣志後序

江山星分牛女地接豫閩晦翁過而通次
學之津梁誠與興而登潛心之潤與山
川峻駛氣節清奇古名邑也所賴以掄
揚主邑之盛風雨百世之資者端在縣志
一書詎聽其湮沒而弗問乎歲在甲戌吟
承金蔭序南玉之日覓一錄本主志不

張一

可得編稽故老磨歲餘而得什之二
三又歲餘而得什之六七露後殘缺自
天啓癸亥邑侯張岐陽纂修之後踰今
已八十有年其間草竊震驚邑人泥離
紛攘以致成帙散秩訂輯闕如不集
感慨係之今我

國家昇平邇治大道化成海陽日出固不

聲靈丕佑胃而且

倖屬頌於營序父教誨敷振古以嘉未之或
有躬帶礪寧而金湯以固率書命而圖
籍斯主苗草野載筆之士或以瑣瑣之廢
畧於方隅之古之遙忽於近事可乎哉戊
寅春楚黃

張學臺校士兩浙檄郡縣學情歲名修志

張二

誠欲彙今古而同其風合該誕以歸於極
以彰

盛世極隆之治而先大道化成之業也茲當

邑侯朱父母之司風教三載政成訪所興事

靡不瞻摩日以志之未有成書是念向

命修志而共鑒之今既出所輯殘卷并

訪有康熙癸亥余君錫纂修抄藁互相參

訂余君又係當日亟就而并言只登於
 臚唱一篇未免多所闕畧因偕同志乃
 淵源及委補漏正謬凡便先賢嘉言懿
 行一一臚列以不忘志之所自至續所新
 紀間有管窺統俟 父母裁奪未嘗憑
 臆為增損焉稿登 父母欣然稍偉授梓
 得以有成 吟憶往者學宮傾圮銳意勦修
 藉 楊邑侯經營數月告竣 寶錄以
 八十年來續典賴 父母提衡而又獲同
 人文贊以濟事豈偶然哉青竟業俾覽
 在板為列眉可以考古可以證今忠孝廉
 節剛風興起而後知邑乘匪細其人之主
 司風教大有裨於大道之化也謹附
 而殿于簡末

昔

康熙四十年歲次辛巳仲秋吉江山縣儒學

教諭朱長吟謹跋



縣志跋序

域中有三禮史居其一顧紫陽作綱目以繼春秋昭百王之大法立萬世之綱常厥功鉅矣然史爲一代之志志卽一邑之史志也者史之源也余分鐸江庠甫下車適逢

張學憲有檄學修志之役朱同寅廣羅縣志舊本因見邑之山川秀拔賢哲挺生如逸平先生之理學正節先生之忠烈南溪介川東

王跋一

溪諸先生之事業文章偉哉一邑之望也第其書多殘缺頗費購求又得康熙癸亥余明經纂修抄本亦未卒業亥豕魯魚不可勝數嗟乎文獻無徵終歸湮沒將何以爲風勵之資而備他年輶軒之採乎

紹亭朱公以紫陽後裔綰符茲土數年來獎革利興百廢具舉公暇亟取邑志而共新之余不才幸附較訂之末相與參稽準酌溯自

明季迄今上下八十年之事要者登之闕者補之雖採輯借諸同事而裁斷悉由之

邑侯稿竣侯曰是可爲一邑之信史矣爰捐俸鳩工壽之梨棗披閱之下祇覺邑之分野應乎天疆域辨乎地官司科目繫乎人賦役食貨屬乎物以及常而典禮變而灾祥鉅而忠孝大倫細而方術小技無不瞭然于一覽間洵乎備一方之徵信作一代之成書正人

王跋二

心而維風俗端賴于此是

矣一日之修明而重之永久者其功不在紫陽下也余敢不贅一言以告來者

告

康熙四十年歲次辛巳桂秋月上澣之吉江

山縣儒學訓導王溥謹跋



正德庚辰志序

禮科給事中徐文溥俱

昔成周盛時內史掌八枋之法外史掌四方之志其後王綱不紐五霸雄長勢已無用而猶惴惴焉環執牛耳以尊共主爲名而不敢遂肆焉者豈力弗也史官在也志之裨於治固如是哉故曰春秋成而亂臣賊子懼今之郡縣之志卽外史所掌也江山入唐宋望縣迄今數百年而志弗修蓋曠典也且以近日觀之士多知方嚮有古遺風時鄉

徐序一

里小民競豪侈相高喜告訐陷誣長吏俗以焚壤要以鑒戒弗昭無所警勵耳普陵吳亞夫以名進士例試外得江山懲故孽謀泐新志屬草藁未定謂不敏是正余病無能爲同事伍達夫強委重焉未印事請益力余乃強疾泰訂芟繁就簡移事屬類去其不當載者什之三乃就編志凡十卷綱爲八而條例其下首天文明天道也次封域紀地理也次食貨重田用也次職官著政也次選舉人才也次人物也次典禮尊制也次宮室備

民之用也而以雜志終焉備遺也夫天道明地道

著人道立而三才之義於是乎備矣觀之者可以勸可以懲可以風矣君子曰尹之功懋哉嗚呼俗吏惟私是急或縮于才一切政務苟且何暇于志乃尹之至也會宗藩之變急八月定檄試事迫還輒聞車駕南征出常山常令缺上官恐倉卒不辦奪尹治常百責攸萃吾恐其弗遑櫛沐而廼優游暇逸從事文事自非中有定力而才足濟之能若是也乎尹已未進士立齋先生仲子也

徐序二

文其持已也厲風操凜然大而不可犯其於政也尤重風教建大義祠遷逸平書院論禁城隍賽會毀活佛殿十餘卓卓大節而又急乎此以風飭之江人其丁化矣他日柄用其梗概不畧見乎

嘉靖甲辰志序

知江山縣事金谿黃綸撰

北山子承乏江山下車無何披閱舊志見其體裁弗精會通未一喟然歎曰修其可緩諸是誠在我顧民瘼方殷焦勞惟其未之能及也既三載民用康和百廢漸舉乃以其餘力修焉採諸輿議之長斷以一得之見削其所當削而增其所當增詳其所當詳而畧其所當畧揆厥體裁其弗忒爾已究厥會通其弗紊爾已志既成序其首簡曰維茲江

黃序一

山浙之名邑也稽乎志之所載產于茲邑者名賢輩出道學如徐公存德行如周公頴氣節如毛公注忠義如徐公應鑣徐公揆毛公桌所立炳炳與日月並其明斯不亦爲百世之儀型矣乎宜于茲邑者聲望相踵節義如趙公旦廉明如孔公淮典學如陳公仲進剛執如王公進靖寇如劉公松所垂卓卓與山川偕其久斯不亦爲百世之軌範矣乎夫世有古今道則無古今人有古今心則無古今釣是人也則釣是心釣是心也則釣是道故曰

黃序二

人能弘道非道弘人又曰苟非其人道不虛行是故所以弘之也者所以行之也者亦在乎求之心而已矣心乎道則至乎道矣孰謂古今人真不可相及乎哉是故爲江之學者觀斯志也而感其心以篤其學尚友前修切磨匪懈則存之爲道德發之爲事業增休光于無窮者將有在矣余溪望之若余之不敏雖勉策周行而學術疎淺行弗逮志不無餘愧乃按斯志之迹而以心焉神之用以光大其烈並驅前軌則余兢兢之心固將俟乎後之君子嗚呼知乎此則知志之繫乎邑也甚重而余之修之也亦甚不輕矣若夫襄贊纂修之功則主簿陳學教諭譚景韶叅互考察之力則訓導蔣爵張琛生儒鄭思仁伍聰也法得並書

天啟癸亥志序

知江山縣事石南張鳳翼撰

江山故名邑也其山川原隰之峻且駛人文財賦之都且繁而夫復遴選爲諸君子所過化徽懿景錄齒有餘芬壬戌夏不佞承乏于斯實滋廩廩思抑口已事之不忘後事之師也亟求邑乘鑒鏡之迄徧詢故老不可得夫江山也乃邑乘獨寥寥缺典哉竊聞之國有史郡邑有志兩者蓋並重云矧歲月更于上人事變于下禎祥氛祲不能齊沿革

張序一

損益不能一俗尚醇駁不共調豐耗奢儉不共習則山原異塚閭巷異制輿地胡可以弗志戶口繁夥滄海桑田貢賦胡可以弗志縣宇肇興賢官巍煥庾廩防禦之基設建置胡可以弗志甲第雲蒸黃英騰茂簪紳奮跡閭閻承恩選舉胡可以弗志忠孝炳日星節義劇冰雪操觚染翰者擅風雲月露之奇博覽洽聞者盡恢詡奇異之變行誼文章胡可以弗志至鍼砭勸誡勸先摹憲來禩如某也繁榮晉之陰某也添片藻之色而使當事者有餘

張序二

思某也樹誠正之標某也端修齊之範而使若鄉者競向往不則舍家尸而戶祝則其人與名俱泯泯無傳矣不則暗品題而寒月且則其人與骨同草木而朽矣官師人物又胡可以弗志志之所繫寧不與國史並重哉胡爲宜志而久不志也將吏茲土者風塵馬足奔走之不遑使節簿書酬對之不及耶抑妍媸蒼素之難辯道傍多口之難調恩怨嫌疑之難杜而秉筆者乏三長贊承者鮮公道耶嗟乎開誠布公集思廣益盡之矣余固非其人

然志則胡可少者未幾適我郡侯林牧伯公慨郡志之久蕪一旦起而釐新之風勵所及私心益自不容已遂儼然造臚唱藎心徐先生之廬而請先生不謂余非其人也唯唯焉江邑于是乎有志矣志成如所稱輿地建置田賦種種綦布而臚列綱舉而目張而官師人物二志則採諸輿論斷以公理卽先生亦非所能專不佞可知已後之吏茲土者庶幾有所鑒鏡歟如曰志無全書未免掛一漏萬夫業已有志矣公論久自定何患乎雖然

我罪我尼父且無辭於春秋余何人也敢以不敏
謝臯盤哉第謂志必不可無而博詢之日復得前
令蔣九觀公志稿于藏中且爲今蔣太史所潤色
者全焉步鰲登聯其缺矣是舉也總其事者藿心
徐先生贊其美者邑博張君大基龔君應科許君
繼善刪訂則孝廉鄭世熙協理則武幕謝君昌張
君文芳黃子倫分局纂述則弟子員施于國殊國
賢胡大經較閱則弟子員程廷禎而董其役者邑
耆徐雲王修也何得並序

張序三

天啟癸亥志序

翰林庶吉士蔣德璟撰

夫江山越之東南偏也其野楊州其星娑宿其山
錦文其泉須女其交閩楚其隸太末粵白漢朱會
稽唐白傅品題遂重浙上游而先正徐逸平徐正
節周鴻臚毛端簡趙中丞徐方伯諸公軒然與山
川相盪麗至今猶得景其芳躅而吊其軼事迺與
岡之繁紆道里之疆域戶版之登耗土俗之腴磽
馴梗總總泱泱歷可僂指則厥志以耳唐宋置邑

蔣序一

迨我朝紀乘固缺焉正德庚辰志昉于前令吳亞
父嘉靖甲辰黃令北山綸續修之蓋披籍而臚分
軫畫若列眉也逾今庚六甲春秋矣山川猶昨風
景滋赫雉堞甫屹乎崇墉區署更易乎堯櫛石梁
肇堤于西南舟梁載建于東北倉社基置于閭閻
塔同鼎峙于原麓令丞簿尉行居連轂掌故博士
前後司鐸譽髦通籍甲昌乙嗣象魏沿革尋仍今
盤叢如絲芽煩如蜩集印舊志攸存增飾補次顧
承已多矣楊子之言口當身之事或聞或見萬不

蔣序二

讀一日前之事或存或廢于不識一夫是尚不能
無竭決而矧其舊筭湮如也先君子承事於江省
嘗之公帑既詢之學士薦紳鄉三老竟無能記其
殺青斷簡數年邇得全帙於民間而漫漶甚矣先
君子用是思恐江志遂飽蠹魚至後泯滅無徵也
卽圖載筆登之鈐版顧邑當越閩孔道什入錢穀
什三期會什六簿書靡監執掌不遑校覈而邦乏
典刑不任視草又適與旱澇會羨金發賑公緡如
浣且領賑事單車出入村落間方悉百姓之卹旋
有選命遂不果纂梓公餘命德環與伯兄德瓚繕
書成祇疑信叅存藏之長府然初心則闕甚也是
歲之春毛友元敬辱以通家誼不遠千里趨弔先
君子因言令君張岐陽政事之美茲方纂縣牒以
付梓人德環卽在苦塊中不勝躍躍去珩璜之璞
浮筠可達赤水之珠謨詎不得先君子僅有是心
乃荆野未理之璞不改爲同象莫揆之求者則張
令君之力也先君子藉手以垂不朽者多矣敬載
數語以附於編端

天啟三年志跋

教諭閩人張大基

張序一

江山舊有縣志歷年已久散佚彌甚卽蠹簡中存
什一於千伯大都但而不文畧而不該八十餘年
之事幾屬曠典矣邇郡侯林公欲修郡志患其缺
遺移檄屬邑令各修實錄以獻幸我岐陽張公主
政一旦翻然而釐正之尤得臚唱徐藿老揔其成
經兩宗匠之手閱數月告竣嗣是訛者悉訂缺者
悉補採摭視昔倍富攷究視昔倍精一展視之而
山川景物之星羅財賦規恢之基置名公鉅卿之
芳躅幽士貞女之徽懿民情土俗之敦龐靡不羅
而列之几席間異日太史氏采民風以成一代之
鉅典不將有所取資以備叅稽哉說者曰太史氏
翼治道之成以有褒貶在也志則有褒無貶不幾
于偏而不全乎不佞矍然口噤是惡知立志之意
事有偏舉而會其全者此類是也凡所取者在此
則其所不足者必在彼藉令覽志者思先哲之何
以光史冊則知其餘之何以湮滅無聞將必欣